


大清會典


三十七





內閣文庫		
函	冊	架
二四九	一八九	一
一	一	一
漢書類		

內閣文庫		
函	冊	架
二五九	一八九	一
一	一	一
漢書類		

內閣文庫		
番號	漢	1899
冊數	141	( 37 )
函號	295	1








大清會典卷之四十三

禮部四

冊立冊封



冊立冊封之禮有

中宮有

妃嬪有

東宮及諸王王妃公主等儀各不同具列於後

皇后冊立儀

崇德元年

冊立中宮嫡妃為

皇后禮是日設黃幄於

會典卷四十三  
清寧宮前。設黃案於幄內正中。設冊寶案於黃案之東。諸王文武各官。俱於

崇政殿前齊集。兩翼序立。

上御殿陞座。內院官請

旨。行冊封禮。內院官捧冊寶置案上。冊左寶右。持節官二員前導。執事官舉冊寶案。行至

清寧宮黃幄前。

皇后出迎。內院官自案上捧取冊寶。置於東案上。西向立。將滿洲蒙古漢字三體冊文。次第宣讀。畢。先捧冊。次捧寶。授二女官。二女官跪接。恭獻

皇后。

皇后次第跪受。轉授侍立二女官。二女官跪接。置黃案上。畢。設金椅於黃案之北。儀仗陳於黃幄之南。東西相向。

皇后陞金椅座。內院官持節。回至崇政殿。以冊封禮畢。復

命。○是日。

皇后率公主王妃大臣命婦等。至

崇政殿序立。於

皇上前。行六拜三跪三叩頭禮。畢。

皇后還宮。陞座。

諸妃率公主王妃大臣命婦等於

皇后前。行六拜三跪三叩頭禮。諸王文武各官於

皇上前。行慶賀禮。王等率滿洲各官。上滿洲表文。鳴

贊。官贊排班。贊進。贊跪。王等皆跪。內院官捧表

跪宣畢。鳴贊。官贊叩頭。王等行三跪九叩頭禮。

次蒙古諸王大臣。上蒙古表文。次漢諸臣。上漢

字表文。俱照前次第宣讀行禮。

賜宴謝

恩禮畢。

上還宮。眾皆退

康熙十六年。册立妃為

皇后禮。前期一日。遣官各一員。祭告

天地

太廟。

上親祭

奉先殿。是日。禮部鴻臚寺官。設節案一於

太和殿正中。設册案一於節案之左。設寶案一於

節案之右。設綵亭二於內閣。鑾儀衛陳

皇上鹵簿儀仗大駕。教坊司設樂。如常儀。內監設節

案一於

皇后宮內之正中。設香案一於節案之前。設冊寶案二於節案之左。陳

太皇太后

皇太后

皇后儀仗車輅於各宮門前。王以下文武各官俱朝

服齊集。如常儀。內閣禮部堂官捧

節冊寶置綵亭內。校尉舉亭。以次由御道入

太和門丹墀內。

綵亭停候於階下

內閣禮部堂官捧取

節冊寶。由中階入

太和殿內。置各案上。正副使及執事各官於丹墀

內東班西向立。欽天監堂官率本監科官二員。

候占於

乾清門。報吉時。禮部堂官奏請

皇上陞殿。

上具禮服。御

太和殿。鳴鐘鼓。作中和樂。閱冊寶畢。陞座。鑾儀衛

官贊鳴鞭。如常儀。鴻臚寺官引正副使及執事

官。就拜位立。贊排班。贊進。贊跪叩頭。行三跪九

叩頭禮。作丹陛樂。禮畢。樂止。禮部鴻臚寺官引

正副使至

丹陛上。北向立。鳴贊官立於殿簷下之東。西向。贊有

制。正副使跪。宣讀官立於殿中門之東。西向。宣制曰。某年月日。册立妃某氏爲皇后。命卿等持節行禮。宣畢。大學士捧節授正使。正使跪捧受。持節前引。禮部執事官舉册寶案。册前寶後隨行。由中道至階下。捧取册寶。置各綵亭內。禮部官持節前導。校尉舉亭。前列黃蓋一柄。御仗二對。次第由御道行。至

太和門

協和門出。

上賜王以下文武各官坐。

賜茶畢。鳴鞭作樂。

上還宮。樂止。鴻臚寺官引王以下都統精奇尼哈番大學士尚書以上。及內大臣侍衛。預赴

隆宗門外。序立候。

駕。正副使至。

景運門外。捧

節册寶。授內監。內監持

節。舉冊寶亭。以次行至

皇后宮門外。捧冊寶入。

皇后具禮服。迎於宮門內之右。侍立。候

節冊寶過。

皇后隨後入宮。就拜位立。內監捧

節冊寶置於各案上。內贊女官贊跪。

皇后跪。贊宣冊。宣冊女官就冊案。捧紙冊。宣畢。贊受

冊。宣冊女官捧金冊。授侍左女官。女官跪接。恭

獻

皇后。

皇后跪受訖。轉授侍右女官。女官跪接待立。次贊宣

寶。宣寶女官就寶案。捧紙寶宣畢。贊受寶。宣寶

女官捧金寶。授侍左女官。女官跪接。恭獻

皇后。

皇后跪受訖。轉授侍右女官。女官跪接待立。贊興。

皇后興。贊行禮。

皇后行六拜三跪三叩頭禮。贊冊立禮畢。內監捧

節出宮。

皇后送

節於宮門內之右。還宮。內監至



景運門外。捧

節授正副使。報禮畢。正副使持

節至後左門。以冊立禮畢復

命。禮部堂官奏請

皇上詣

太皇太后

皇太后宮行禮。

上具禮服。乘輿出

隆宗門。率王以下大臣以上。及內大臣侍衛等。詣

太皇太后宮。至

慈寧門外。降輿入。至

慈寧宮前丹陛上之東。西向立。王以下。公以上。於

丹陛下立。文武大臣內大臣侍衛。於

慈寧門外。二侍衛三等侍衛。於

永康左門外。分翼序立。鴻臚寺堂官二員。鳴贊官

二員。於

丹陛上。又鳴贊官二員。於

丹陛下。又二員。於

慈寧門外。又二員。於

永康左門外。俱相向立。糾儀御史二員。於

會典卷四十三  
七  
慈寧門外。又二員。於

永康左門外侍立。禮部堂官。傳諭內監。奏請

太皇太后陞宮。

太皇太后禮服御宮。作樂。陞座。樂止。

上率王等。就拜位行禮。如常儀。

上率王等。各復原位立。禮部堂官。傳諭內監。奏請

太皇太后還宮。

上率王等出。詣

皇太后宮行禮。俱如前儀。糾儀御史二員。於宮門外。又

二員。於班末侍立。禮畢。

上還宮。王等俱退。○次日。陳設

太皇太后

皇太后

皇后儀仗車輅樂器於各宮前。引禮十命婦前導。十

二命婦後護。二十八命婦俱朝服。齊集於

隆宗門外。公主以下。縣君以上。王妃以下。鎮國將

軍夫人以上。民公侯伯內大臣都統精奇尼哈

番大學士尚書命婦。俱朝服。齊集於

永康右門外。禮部堂官。傳諭內監。奏請

皇后具禮服。乘輿。出

隆宗門。十二命婦兩行前導。十命婦左右引禮。二十八命婦後護隨行。

皇后至慈寧門外。降輿入。至

慈寧宮。丹陛上之西。東向立。公主王妃以下。命婦以上。於

丹陛下東西相向序立。八侍衛命婦設

皇后拜褥於

丹陛上正中。引禮命婦傳諭內監。奏請

太皇太后陞宮。

太皇太后具禮服。御宮。樂作。陞座。樂止。引禮命婦導

皇后就拜位立。公主王妃以下。命婦以上。及前導後

護諸命婦。照品就拜位序立。引禮命婦引

皇后率公主等行禮。如常儀。樂作。禮畢。樂止。

皇后率公主等各復原位立。引禮命婦傳諭內監。奏

請

太皇太后還宮。

皇后率公主等出。詣

皇太后宮行禮。如前儀。

皇后率公主等出。公主王妃以下。命婦以上。及引禮等諸命婦。候

皇后入內。俱退。內女官傳諭內監。奏請

皇上御內殿。

上陞座。女官引禮。導

皇后於

皇上前。行六拜三跪三叩頭禮。

命公主王妃以下。命婦以上。免隨行禮。

禮畢。

皇后還宮

命免公主王妃以下。命婦以上。於皇后前行禮。

○第三日。陳設

皇上鹵簿大駕樂器。如常儀。王以下。文武各官。進表。

行慶賀禮。

上御殿行禮。如常儀。頒

詔天下○擇吉。補行納采禮。大徵禮。遣內務府總

管官禮部堂官爲使。併執事各官。俱朝服。齎至

皇后第。一應行禮。俱如常儀。惟后母率諸婦。於本第

望

闕行謝恩禮。后第率族衆。俱朝服赴

太和殿前行謝恩禮

康熙十六年題准。納采禮物。鞍馬十匹。盛甲十

副。金茶筒一具。銀盆一圓。緞一百疋。布二百疋。

大徵禮物。鞍馬二十四匹。馱甲二十副。常等甲三

十副。黃金二百兩。白金六千兩。金茶筒一具。銀

茶筒二具。銀盆二圓。緞六百疋。布一千疋。給賜  
后父。鑲貂朝服一件。貂裘一件。時衣一襲。冠帶  
靴襪全。后母。蟒緞朝衣一件。裙一件。時衣一襲。  
凡立外藩諸王女爲

皇后。俱照此例行。若立在內官員女爲

皇后。停給盔甲。其奉侍來京

皇后親屬。應給禮物。該部院請

旨行○又令册立

皇后。行納采禮。大徵禮。上表頒詔禮。册封妃嬪不行

○又題准。册立

皇后。遣官祭告

天地

太廟。

皇上親祭

奉先殿。册封貴妃妃。遣官祭告

太廟。

皇上親祭

奉先殿。封嬪不行

皇貴妃貴妃妃嬪册封儀

崇德元年。行册封

四妃禮。是日早。設黃幄於

清寧宮前。設黃案一於幄內之正中。又設黃案一於黃案之東。諸王文武各官俱於

崇政殿前齊集。分翼序立。

上御殿陞座。內院官請

旨。行冊封禮。內院官捧冊。置綵亭內。持節官二員前導。執事員役與亭前行。至

清寧宮前黃幄內。冊封

四妃爲

東關雎宮宸妃。

西麟趾宮貴妃。

東衍慶宮淑妃。

西永福宮莊妃。

皇妃等出迎。內院官自亭內捧冊。置幄內東旁黃案上。西向立。將滿洲蒙古漢字三體冊文。次第宣讀畢。捧冊。分授各侍立女官。女官跪接。捧獻皇妃等。

皇妃等次第跪受。轉授侍立女官。女官跪接。置幄內中間黃案上畢。內院官持節復

命。

皇妃等率公主王妃大臣命婦等至  
崇政殿序立於

皇上前。行六拜三跪三叩頭禮畢。

又詣

皇后前。行六拜三跪三叩頭禮。次公主王妃以下大  
臣命婦等於

皇妃前。各行四拜二跪二叩頭禮。次

四皇妃。對行二拜一跪一叩頭禮。各還宮。公主等  
俱退

順治十三年册封

皇貴妃禮。前期一日遣官祭告

太廟時

駕幸南苑。禮部官由內院捧節册寶置綵亭內。校尉  
舉亭至南苑。鴻臚寺官設黃案於

上所御殿左。禮部官捧節册寶置案上。奏請

皇上御殿閱册寶畢。

上陞座。鴻臚寺官引正副使丹墀下跪。大學士持節  
授正使。學士捧册寶授副使。正副使跪受訖。興  
節在前。次册。次寶。由中路出。至門外。置綵亭內。  
校尉舉亭送至內院安設。○是日。

皇貴妃儀仗。陳設於

皇貴妃宮前。內監設

節冊寶案於宮院正中。設香案於冊寶案前。正使

官持節在前。副使官捧冊寶。安設綵亭內。依次

行至

隆宗門外。綵亭停止。捧節冊寶授內監。內監跪接

捧進。

皇貴妃具禮服。迎於門內。立候

節冊寶前行。

皇貴妃隨後。至行禮處。內監將

節冊寶。各置所設案上。內贊女官贊宣冊。

皇貴妃跪。女官捧冊立。宣於左旁。宣畢。贊受冊。女

官跪接。授

皇貴妃。

皇貴妃受訖。轉授右旁女官。女官跪受立。次贊宣

寶。如宣冊儀。贊興。

皇貴妃興。贊行禮。

皇貴妃行六拜三跪三叩頭禮畢。內監持

節出。授正副使。告行禮畢。正副使持節復

命。○次日。設



會典卷四十三  
詔書黃案於

太和殿東旁。設香亭龍亭於

午門外正中。宗室覺羅都統以下文武各官俱朝服齊集

午門外。大學士於

太和殿內捧

詔書出。授禮部尙書禮部尙書跪受。置雲盤內。高捧由中道出。至

午門外。跪置龍亭內。迎至禮部。頒行如常儀。○給皇貴妃親屬禮物。照八年例給

皇后親屬禮物之半

康熙十六年册封

貴妃及

安嬪

敬嬪

端嬪

榮嬪

惠嬪

宜嬪

僖嬪禮前期一日遣官一員以册封

貴妃禮祭告

太廟。

皇上親祭

奉先殿○是日早。禮部鴻臚寺官。設黃案八於

太和殿內。置

貴妃冊寶

諸嬪冊於各案上。左右次序排列。又設綵亭九於內閣。內監設節案一於

貴妃宮內之正中。設香案一於節案之前。設冊寶案二於節案之左。於

諸嬪宮內。各設節案一於正中。設香案一於節案之前。設冊案一於節案之左。鑾儀衛陳

皇上鹵簿大駕樂器於

太和殿前。陳

太皇太后

皇太后

皇后

貴妃儀仗車輅於各宮門前。王以下文武各官。俱朝服齊集。如常儀。內閣禮部堂官。捧節冊寶置綵亭內。校尉舉亭。以次由御道入。

太和門丹墀內。

綵亭停候於階下

內閣禮部堂官捧取

節冊寶。由中階入。

太和殿內。置各案上。封使及執事各官。於丹墀內

東班西向立。欽天監堂官。率本監科官二員。候

占於

乾清門。報吉時。禮部堂官奉請

皇上陞殿。

上具禮服。御

太和殿。鳴鐘鼓。作中和樂。閱冊寶畢。陞座。鳴鞭。鴻

臚寺官。引封使及執事各官就拜位。贊行三跪

九叩頭禮。作丹陛樂。禮畢。樂止。禮部鴻臚寺官。

引封使至

丹陛上。北向立。鳴贊官立於殿簷下之東。西向。贊

有

制。封使跪。宣讀官立於殿中門之東。西向。宣

制曰。某年月日。冊封某氏為貴妃。某氏為某嬪。命

卿等持節行禮。宣畢。閣臣捧節授封使。封使跪

捧受。持節前引。禮部執事官。舉冊寶案。次第隨

行。由中道至階下。捧取冊寶。置各綵亭內。校尉

舉亭。前列黃蓋一柄。御仗二對。次第由御道。行

會典卷四十三  
至

太和門

協和門出。

上賜茶畢。還宮○封使至

景運門外。將冊寶綵亭。併所持節。授內監。內監持節。舉冊寶綵亭。行至

貴妃宮門外。捧冊寶入。

貴妃具禮服。迎於宮門內之右。立候

節冊寶過。

貴妃隨入宮。就宮內正中拜位立。內監捧

節冊寶置黃案上。內贊女官贊跪。

貴妃跪。贊宣冊受冊。次贊宣寶受寶。行禮送節如

常儀。內監持

節捧冊。進

諸嬪宮門。

嬪各具禮服。迎於宮門內之右。立候

節冊過。

嬪隨入宮。就拜位立。內監捧

節冊置黃案上。內贊女官贊跪。

嬪跪。贊宣冊受冊。行禮。俱與

貴妃儀同。內監至

景運門內。候齊同出。捧

節授封使。報禮畢。封使持節至後左門。以册封禮

畢復

命○禮部堂官奏請

皇上率王以下內大臣侍衛詣

太皇太后

皇太后宮行禮。如常儀○次日各宮儀仗車輅樂器全

設。引禮大臣命婦於

隆宗門外齊集。公主王妃於

永康右門齊集。禮部奏請

貴妃率。公主王妃以下命婦詣

太皇太后

皇太后前行禮畢。公主王妃等候

貴妃入內。俱退。次

貴妃詣

皇上前行禮。次詣

皇后前行禮。如常儀。

命公主王妃大臣命婦等。免禮  
隨行禮。并免詣貴妃前行禮。

畢還宮

二十年進封

貴妃爲

皇貴妃及冊封

貴妃進封

惠嬪爲

惠妃。

宜嬪爲

宜妃。

德嬪爲

德妃。

榮嬪爲

榮妃禮前期一日各遣官一員祭告

太廟

奉先殿是日

上不御殿內官設節案於

皇貴妃

貴妃

四妃各宮正中設香案於節案前設冊寶案各二於左旁各宮儀仗陳設宮前至冊封吉時內閣大臣以次持節授正副使各正副使跪受持節前行捧冊寶印置丹墀綵亭內校尉舉亭

皇貴妃節冊寶在前次

貴妃節冊寶次

惠妃

宜妃

德妃

榮妃節冊印。張黃蓋一柄。排御仗二對。前行。出

協和門。至

景運門外。正副使以冊寶印綵亭。併所持節。授內

監。內監持節。舉冊寶印綵亭。進至

皇貴妃等各宮門外。自綵亭內。捧冊寶印隨

節進內。

皇貴妃

貴妃

惠妃

宜妃

德妃

榮妃。各具禮服迎入。內贊女官贊宣冊。受冊。宣寶。

受寶。行禮。送節。各宮俱如常儀。內監持

節。出至

景運門內。候齊同出。捧

節授正副使。報禮畢。正副使持節。至後左門。以册封禮畢復

命停止  
慶賀

**皇太子册立儀**

康熙十四年。册立

皇太子禮。前期一日。遣官各一員。告祭

天地

太廟

社稷。

皇上親詣

奉先殿致祭。又遣官一員。詣

仁孝皇后神位前致祭。禮部鴻臚寺官。設節案一於

太和殿內正中。設册案一於左旁。設寶案一於右

旁。設册寶綵亭二於

丹陛下。設節案一。香案一於

皇太子殿門正中。設册案一。寶案一於殿門左旁。

是日早。

皇上鹵簿大駕樂器。陳設於

太和殿前。

太皇太后



皇太后儀仗樂器。陳設於各宮門前。王以下文武各官。俱朝服於常朝處齊集。內閣禮部堂官。將節冊寶。自內閣捧出。由御道左旁行。置

太和殿內各案上。鴻臚寺官。引諸王各官。至太和殿前。王貝勒貝子公等。於

丹陛上。文武各官。於丹墀下排立。禮部堂官。奏請皇上陞殿。

上具禮服。出宮。陞

太和殿。閱冊寶畢。作樂。陞座。樂止。鑾儀衛官贊鳴鞭。堦下三鳴鞭。鴻臚寺官引正副使官。於常朝

行禮處排立。贊禮官贊行三跪九叩頭禮。作樂。禮畢。樂止。禮部堂官鴻臚寺官。引正副使官。至殿前

丹陛上立。贊禮官贊有制。正副使官跪。宣讀官宣

制曰。某年月日。册立嫡子某為皇太子。命卿等持節行禮。宣畢。大學士於案上捧節。授正使官。正使官受節前行。禮部官舉冊寶案出。鴻臚寺官引王等入殿內坐。

賜茶畢。還宮。正使官執節在前。禮部官捧冊寶隨後。

置丹陛下綵亭內。正使官捧節。授禮部官。禮部官一員。執節前引。校尉舉亭。列御仗二對。黃蓋一柄在前。至

皇太子殿景仁宮置綵亭於殿門外。正副使官捧

節册寶。置黃案上。禮部奏進儀注。保姆奉皇太子。在殿門內。向節跪迎。贊

禮官贊正副使官。於案上捧起册寶。授皇太子。行三跪九叩頭禮。保姆奉皇太子。隨册寶

後行。同殿。奉旨。皇太子尚幼。其禮俱停。內監捧舉進內。正副使官

持節復

命○王以下。內大臣侍衛都統大學士尚書精奇尼哈番以上。俱赴

隆宗門外齊集。禮部堂官奏請

皇上詣

太皇太后

皇太后宮行禮。

皇上具禮服。陞輿。由

隆宗門出。王以下內大臣侍衛等官。皆隨行。至

慈寧宮門。

皇上降輿。立門內丹陛東。禮部堂官傳諭內監。奏請

太皇太后陞

慈寧宮座。

會典卷四十三  
三  
太皇太后御宮。樂作。陞座。樂止。

皇上在宮前丹陛上。王以下。公以上。在門內丹陛上。大臣侍衛等在門外丹墀內。二等三等侍衛在永康左門外排立。鳴贊官照常處立。贊行三跪九叩頭禮。樂作。禮畢。樂止。

皇上復原位立。禮部堂官傳諭內監。奏請

太皇太后還宮。樂作。入宮。樂止。

皇上出詣

壽昌宮。於

皇太后前行禮。與

太皇太后宮中禮同。禮畢。

皇上還宮

是日。公主王妃以下大臣命婦。於兩宮前免行慶賀禮。

○次日。

皇上陞

太和殿。諸王文武各官進表。行慶賀禮。頒

詔天下。如常儀

諸王册封儀

崇德元年。册封諸王貝勒禮。是日。諸王貝勒及文武各官。俱於

崇政殿前。分翼序立。內院官捧册印。置

殿內黃案上。請

會典卷四十三  
旨授封。內院官引諸王貝勒。依次進跪。

殿前。宣冊官及捧冊官。於黃案東。西向立。次第宣冊畢。捧冊印授諸王貝勒。王等捧受。轉授從官。從官跪接。王等次第各復原位。立。冊封禮畢。捧冊印官前行。王等隨後。分翼進至。

清寧宮前。捧冊印官分翼東西侍立。鳴贊官贊排班。贊進。贊跪叩頭。王等於

皇上前。行三跪九叩頭禮。

皇后前。行二跪六叩頭禮畢。捧冊印官前行。王等隨後。由

大清門次第出。卽於門前。諸王貝勒相賀。照封號爵位。對行二跪六叩頭禮畢。各回府第。諸王妃貝勒夫人等。各於王貝勒前。行慶賀禮畢。王府屬員。各於王前慶賀。行二跪六叩頭禮。貝勒府屬員。各於貝勒前慶賀。行一跪三叩頭禮。

康熙十二年題准。禮部准宗人府咨。具題請旨冊封。將冊封正副使官。列名奏請

欽點。前期一日。禮部設

節案於王殿之正中。設香案於節案之南。設冊寶印案於

節案之東。王府儀仗樂器。設於殿前。是日。禮部設  
綵亭於

太和門外。設

節冊寶印案於

太和殿前。禮部官引正副使。自

太和殿。捧

節冊寶印。由

太和門出。置綵亭內。正副使等隨後。俱由中道出。  
行至王府。王率本府屬員。作樂。迎至府門外。跪  
候龍亭過。興。隨龍亭入殿。樂止。正副使捧

節冊寶印。置各案上。於

節案之東。向西立。王於

節案之西。向東立。往封官引王至拜位。向

節案行三跪九叩頭禮。作樂。行禮畢。樂止。王進至

香案前。跪。宣冊官於冊案之東。向西立。宣讀畢。

正使官捧冊授王。王捧受。轉授從官。從官跪接。

副使官捧寶印授王。王捧受。轉授從官。從官跪

接。王興。復詣拜位。行三跪九叩頭禮。作樂。禮畢。

樂止。王率本府屬員。作樂。跪送

節。至府門外。正副使持

節復

命○凡封貝勒貝子等有冊無印其行禮同

公主等冊封儀

崇德元年冊封諸公主禮是日內院捧冊置龍亭內陳設於

崇政殿請

旨授封持

節官前導次龍亭次冊封官行至公主府門公主率侍從婦女迎出儀門之東向西立設黃案一於府門前冊封官自龍亭捧置黃案上由儀門

入設於堂前幄內設

節案於冊案之南冊封官於

節案之東向西立公主隨入於

節案之西向東立冊封官引公主進至

節案之南向北立行二拜一跪一叩頭禮畢公主

復跪宣冊官及展冊官於

節案之東向西立將滿洲蒙古漢字三體冊文次

第宣讀畢仍置案上公主復行二拜一跪一叩

頭禮宣讀官自案上捧冊授公主右旁侍女侍

女跪接轉授公主公主捧受轉授左旁侍女復

行二拜一跪一叩頭禮畢。公主送

節。至儀門外。册封官持

節復

命。是日。諸王貝勒及文武各官。俱於

崇政殿前分翼序立。

皇上陞殿。樂作。陞座。樂止。諸公主由右門至

崇政殿。於

皇上前。行六拜三跪三叩頭禮。次進

清寧宮。於

皇后前行六拜三跪三叩頭禮。次詣

東關雎宮宸妃。

西麟趾宮貴妃。

東衍慶宮淑妃。

西永福宮莊妃前。各行四拜二跪二叩頭禮畢。

皇上還宮。諸公主各回府第。公主屬員。各於公主前

行慶賀禮。

順治十一年題准。郡主。縣主。郡君。授封禮儀。俱

與公主同

王妃等册封儀

凡册封親王妃。世子妃。郡王妃。貝勒夫人。貝子

夫人。一應行禮迎送謝

恩儀注。俱與册封公主禮同。受封王妃等。各於王等  
前行四拜二跪二叩頭禮。屬員妻。各於妃等前  
慶賀。行四拜二跪二叩頭禮

大清會典卷之四十三

